

中國地方志集成

遼寧府縣志輯 ⑮

民國
義興
縣志

義縣志中卷

題宦績志第五

義古幽州之隅秦漢以來屬遼東屬遼西秦爲郡守治漢爲太守治又爲西部都尉治
安帝時改爲遼東屬國都尉治三國魏晉仍屬太守治其治績載在史冊者殊可考溯
至東晉則慕容氏都棘城備僚屬宦績尤有可徵若魏齊隋唐之營州刺史都督吾邑
屬之故連類誌其宦績迨及遼興專建州曰宜置軍曰崇義司以節度名是爲吾邑有
官之始宦績更不可漠然置之宦因績見績以宦傳文有文治武有武功關於軍民事
事之不績代不乏人或爲統治之大員如金特加顯元木華
黎明李成梁王銘等或爲親治之有司凡有功德於

民者邑人咸被其澤況自節度而外於遼則有五州制置二州刺史遼西北
遼西金則有縣令弘治

開義同昌知鎮金置饒慶
鎮隸開義元則有總管觀察知州至明而節度罷則有分巡參戎錦義右
參將及遊戚家路
游擊

守團山等
堡守備把太平堡
把總備大清堡
備禦並指揮義後二
衛指揮千百戶義後二衛
千百戶之屬清則分尉州城守尉
知州兩治民國

改設行政司法其間宦吾邑者或績關國計或績繫民生官無大小有善必錄從公論
也惟遼至今歷千有餘年宦績之埋沒失傳第勿深考徵之歷史參以舊聞強而記之
留爲後人之取法焉志宦績十七年一月
一號鶴識

義縣志中卷

宦績志

目次

歷代宦績

漢共一名

甘延壽

東漢共十四名

祭彤

耿夔

蔡諷

陳禪

龐參

馮緄

种嵩

度尙

公孫度

公沙穆

段熲

公孫瓚

趙苞

耿曄

三國魏共一名

張邈

晉共二十三名

義縣志

中卷(五) 宦績志 目次

一一二

封奕 陽鰲 陽裕

高詡 黃泓 韓恒

鮮于亮 皇甫眞 李洪

高開 封裕 韓壽

裴嶷 劉翔 游邃

裴開 皇甫岌 宋該

劉瓚 逢羨 張統

陽耽 劉佩

張偉 盧同 安豐王猛

于洛拔

北齊名共二

王峻 高保寧

隋名共一

韋冲

唐共六名

張儉

程名振

李晦

朱慶禮

李謹行

王元志

遼共三名

韓德凝

劉仲

韓慶民

金共十名

赤蓋暉

伯德特窩補

移刺溫

高松

瑤里孛迭

馬惠迪

奧屯襄

伯德梅和尚

闍母

傅霖

元共四名

木華黎

移刺捏兒

王珣

王榮祖

明共三十四名

許進

韓璫

許達

王懋中

王舜漁

傅霖

翟繡裳

李貢

馮時泰

施聚

韓斌

王錯

李英

王銘

韓輔

郭振

崔勝

胡忠

高雲

蕭萍

趙國忠

賀世賢

張用和

何浩

楚勇

史有容

韓璽

王翱

楊照

李成梁

常遇春

麻貴

董一元

李化龍

清共二十
九名

俞定

辛珠

王枝培

胡世仁

徐之寬

金廷掄

張長庚

李聖贊

董履坦

李文森

金懷忠

崇光

徐慶璋

福培

陳培

陳榮昌

陳陽春

金熙葆

陶應潤

陳宗楸

鄭錫華

姜有筠

潘增綬

高欽

周冕

朱慶瀾

馬俊顯

汝作枚

奉恩

附載清名宦事績涉及義州者二十人

鄂穆克圖

杜度

武賴

博洛

豪格

覺善

沙爾瑚達

趙國祚

楊古利

索歡

扈爾碩

錫爾度

翁愛

伊勒都齊

昂錦

勞翰

岳託

多鐸

文祥

周冕

民國宦績共四名

裴煥星

趙興德

濮良至

孫維善

東苑

目錄終

義縣志中卷

宦績志

歷代

漢

甘延壽遼東太守

少良家子善騎射嘗超距踰羽林亭樓由是遷爲郎累遷至遼東太守車騎將軍有治

行乾隆盛京志名宦一

右漢宦績共一名

東漢

祭彤遼東太守

建武十七年拜遼東太守時匈奴鮮卑及赤山烏桓連和强盛數入塞殺掠士民彤厲兵馬廣斥堠寇至數破走之二十一年秋鮮卑萬餘騎寇遼東彤率數千人迎擊之自被甲陷陣斬首三千餘級獲馬數千匹鮮卑震怖不敢復窺塞彤乃離其黨與撫以恩信威聲暢於北方西自武威東盡元菟及樂浪皆來內附野無風塵悉罷緣邊屯兵彤在遼東幾三十年衣無兼副顯宗徵爲太僕及卒烏桓鮮卑追思無已每朝賀京師過

冢拜謁號泣乃去遼東吏人爲立祠四時奉祭焉

乾隆盛京志名宦一

耿夔

遼東太守

耿國次子少有氣決以功封粟邑侯遷遼東太守自治績和帝元興元年貊人寇郡界夔追斬其渠帥南單于叛夔率鮮卑及諸部兵追至屬國故城迎擊破之遷行度遼將軍軍事安帝建光中拜度遼將軍

乾隆盛京志名宦一

蔡諷

遼東太守

拜遼東太守元初五年高句麗王宮與濊貊寇元菟攻華麗城諷與元菟太守姚光擊破之夏高句麗復與鮮卑入寇攻遼隊諷追擊於新昌戰歿功曹耿耗兵曹掾龍瑞兵馬掾公孫補以身扞諷俱歿於陣

乾隆盛京志名宦一

陳禪

遼東太守

安帝永寧元年轉元菟侯城障尉拜遼東太守時邊人畏其威強北寇入邊禪不加兵但使吏卒往曉諭之單于隨使還郡禪於學行禮爲說道義以感化之懷服而去

乾隆盛京志名

一宦

龐參

遼東太守

河南尹龐奮舉爲孝兼歷官遼東太守恩信大著後遷度遼將軍

乾隆盛京志名宦一

馮緄遼東太守

緄父煥前在安帝時爲幽州刺史疾惡致罰時元菟太守姚光亦失人和建光初怨者詐作璽書譴責煥光下遼東都尉龐奮使速行刑奮即斬光收煥煥欲自殺緄疑詔文有異止之煥乃上書自訟果詐者所爲徵奮抵罪而煥已歿帝愍之賜煥光錢各十萬以子爲郎中緄由是知名順帝時鮮卑寇邊以緄爲遼東太守曉諭降集寇皆弭服邊陲以安乾隆盛京志名宦一

種嵩遼東太守

舉孝廉順帝時遷遼東太守有政聲烏桓望風率服迎拜界上乾隆盛京志名宦一

度尙遼東太守

桓帝時爲遼東太守數月鮮卑率兵來攻尙與戰破之邊人畏遠近綏寧延熹九年

卒於官乾隆盛京志名宦一

公孫度遼東太守

初爲冀州刺史以謠言免中郎將徐榮與度同郡薦爲遼東太守度到官以法誅滅郡

中名豪大姓百餘家郡中震慄乃東伐高句麗西擊烏桓謂所親史柳魯展禽食采柳下其後因以爲氏殺

陽儀等曰漢祚將絕當與諸卿圖王耳于是分遼東爲遼西中遼郡安帝時分遼東遼西二郡地爲遼東屬國度復

分之各置太守越海收東萊諸縣置營州舜分青州為營州遼東本青州地故度以為名刺史自立為遼東侯平川取郡治襄

平為名地在今奉天府遼陽州牧通鑑輯覽卷二十六

公沙穆遼東屬國都尉

習韓詩公羊春秋尤銳思河洛推步之術舉孝廉桓帝永壽時累遷至遼東屬國都尉

善得吏人歡心卒於官乾隆盛京志名宦一

段穎遼東屬國都尉

舉孝廉桓帝時遷遼東屬國都尉時鮮卑犯塞穎率所領馳擊恐賊驚去乃使驛騎詐

齎璽書詔穎偽退設伏敵以為信入追穎縱兵大破之在邊十餘年秋毫不累民

與將士同甘苦未嘗一日蓐寢故所向有功乾隆盛京志名宦一

公孫瓚遼東屬國長史

舉孝廉靈帝時除遼東屬國長史嘗從數十騎出塞見鮮卑數百騎瓚乃退入空亭中

約從騎曰彼衆十倍於我今不衝之則死盡矣乃自持矛兩頭施刃馳殺數十人寇遁

去憚其勇健不敢犯邊後以功封都亭侯乾隆盛京志名宦一

趙苞遼西太守

舉孝廉為遼西太守抗厲威嚴名振邊俗遣使迎母及妻子道經柳城值鮮卑入塞劫

苞母以擊郡苞督兵禦之賊出母示苞苞號謂母曰爲子無狀本欲以微祿養不圖爲母作禍今不得顧私恩毀忠節母遙謂曰人各有命何得相顧以虧忠義即進戰賊悉摧破母妻皆爲所害事平封苞爲郇侯苞歸葬訖謂鄉人曰食祿而避難非忠也殺母以全義非孝也如是何面目立於天下遂嘔血而死

乾隆盛京志名宦一

耿 曄 烏桓校尉

字季遇耿恭之孫也順帝時爲烏桓校尉破敵有功鮮卑震怖數萬人赴遼東降及敵寇遼東屬國曄移屯無慮城以拒之威振北方後遷度遼將軍

乾隆盛京志名宦一

右東漢宦績 共十名

三國魏

張 邈 遼東太守

爲遼東太守著自然好學論爲人有遠識吏民懷之

乾隆盛京志名宦一

右三國魏宦績 共一名

晉

封 奕 字子專渤海修人也

祖釋疾屬于慕容廆釋卒廆以爲軍諮祭酒軍國機要悉委之討鮮卑木提于白狼全

柳城遷右司馬尋擊宇文逸豆歸大獲而還進鎮軍左長史遂與諸將佐勸軌稱燕王
奕進位相國封武平侯討平冉閔在相位十五年政務之暇留心講論接引後進如不
及喜怒不形于色軌即帝位進爲太尉領中書監復十餘年遂爲定策元勳及暉之世
欲徙龍城宗廟社稷及所留百官家屬必得耆德大臣迎之乃遣奕與侍中慕輿龍往
既至暉親率羣臣謁於道左奕以暉建熙六年卒諡曰匡公

十六國春秋前燕錄

陽

鵞字士秋右北平無終人也

父軌爲遼西太守母李氏博學有母儀軌常升堂拜之鵞少好學器識沉遠起家爲平
州別駕屢獻安時強國之策及軌即位遷左長史東西征伐參謀帷幄封建寧公軌臨
終謂軌曰陽士秋志行高潔忠幹貞固可託大事汝善待之軌將圖中原鵞制勝之功
亞於太原王恪暉既嗣立申師傅之禮親遇日隆及爲太尉固求罷職不許歷事四朝
年耆望重自太原王恪以下皆禮拜之而謙恭謹厚過於少時子孫朱紫羅列無敢違
犯其法度者性尤儉約好施不倦常乘弊車瘠牛卒無殮財人士莫不痛惜之諡曰敬

十六國春秋前燕錄

陽 裕

字士倫鵞從弟少孤兄弟早亡宗族無能識者惟叔父軌奇之曰此兒非惟吾門之標

秀乃佐時之良器也石勒克薊城欲任之裕微服潛遁令支歷事段氏五主甚見親重其後段遼與皝相攻裕諫不從出爲燕郡太守北平相及石虎攻遼長驅入薊裕帥其民數千家登燕山自固諸將急欲攻之虎曰裕儒生矜惜名節恥於迎降耳無能爲也既克令支裕詣軍門降拜北平太守徵爲尙書左丞段遼之請迎於虎也以左丞爲征東將軍麻秋司馬秋敗裕爲皝軍所執皝素聞裕名命釋其囚拜郎中令遷大將軍左司馬東破高句驪北滅宇文逸豆歸皆預其謀及遷都龍城城池宮闕規模皆裕制性謙恭清儉剛簡慈篤歷居朝端有若布衣士大夫流亡羈絕者莫不經營收葬存卹孤遺士無賢不肖皆傾身以待之是以所在推仰范陽盧諶每曰吾及晉之清平歷觀朝士如陽士倫者實亦未幾也及死皝甚悼之比葬三臨時年六十一

十六國秋
春前燕祿

高

詡遼東人

永嘉末避地隱居建武初庾自稱大單于詡杖策見之曰霸王之資非義不濟今晉室雖微人心猶附宜遣使江東示有所尊然後仗大義以征諸部誰敢不從庾善之拜爲郎中令皝嗣立遷元菟太守以平征虜仁功封汝陰侯轉左長史詡善天文及謀伐宇文逸豆歸詡進曰宇文強盛今不取必爲國患伐之必然不利於將出而告人曰吾往必不返然忠臣不避也將發不見其妻使人語以家事而行逸豆歸果大敗身爲流矢

所中卒 十六國春秋前燕錄

黃泓 字始長盧江人也一作魏郡斥邱人

父沉善天文秘術泓受父業精妙逾深博覽經史尤明禮易性甚忠勤永嘉末避地於
薊率宗族歸虜虜待以客禮引為參軍軍國之務輒咨之泓止說成敗事皆如言虜常
曰黃參軍國之仲翔也及虢嗣位遷左常侍領史官石虎率眾來攻虢將走遼東泓曰
賊有敗氣無憂也不過二日必奔潰宜嚴勒士馬為追擊之備及期果退虢益奇之儁
即王位遷從事中郎及僭偽號署為進謀將軍太史令關內侯尋加奉車都尉西海太
守領太史令開陽亭侯進封平舒縣五等伯常從左右諮決大事靈臺令許敦害其寵
泓待敦彌厚不以毀已易心睦敗以老歸家歎曰燕必中興其在吳矣恨吾年過不及
見耳九十七卒後三年吳王垂果以興焉 十六國春秋前燕錄

韓恒 字景山濬津人也一作安平人

父默以學行顯名恒年十歲能屬文同郡張載奇之曰王佐才也身八尺一寸博覽經
籍無所不通永嘉末避地遼東依於崔毖虜既逐毖恒徙於棘城召見與語悅之拜參
軍事咸和中宋該等表請虜為大將軍燕王之號下羣僚博議咸以為宜恒駁曰立功
者患信義不著不患名位不高且要君以求寵爵者非為臣之義也虜頗不平之出為